



Universitätsbibliothek Paderborn

**De Breviario Concionatorio, Strenæ, Fidelis Prophetissa
Concionibus de B. M. Virgine serviens, Conciones
Occurrentes & Funebres**

Tylkowski, Wojciech

Oliva, 1686

In Eadem Annunciatione.

[urn:nbn:de:hbz:466:1-51821](#)

In Eadem Annunciatione.

Gabriel idem est quod fortitudo seu virtus DEI, hic ad S. Virginem mittitur. Bern. super. hom. I. Non discordat nomen à nuntio, DEI quippe virtutem, Christum, quem melius nuntiare decebat quam hunc quem simile nomen honorat? Solam S. Virginem invenit. Ambr. lib. 2. de Virginibus. Quemadmodum sola cui tot libri adefsent, tot Archangeli, tot Prophetæ? Denique & Gabriel ubi revisere eam solebat, invenit, & Angelum Maria quasi viri specie mota, trepida; quasi non incognitum audito nomine recognovit. Factum hoc est in Nazareth per quod finis Synagogæ proximus indicabatur. Nazareth idem est quod flos. Bern. I. c. In Nazareth Christus nunciatur nasciturus, quia in flore speratur fructus processurus. Adveniente fructu flos decidit. Christus est fructus, flos erat Synagogæ. Sed prodeunte fructu flos decidit, quia veritate apparente in carne figura pertransit. Flores erant figure Christi venturi quæ dabantur Iudeis. Si flos non decidit, ubi ergo regnum, ubi Sacerdotium, ubi Prophetæ, ubi templum, ubi denique magnalia illa de quibus gloriari solebat Ps. 77. Quanta audiimus & cognovimus ea? Idem ex serm. parvis 5. Dies diei eructat verbum. Dies diei Angelus Virginis, dies Angelus propter beatitudinem, Virgo dies propter integratam virtutem. Et nos nocti indicat scientiam, serpens nox propter malitiam, mulier nox propter ignorantiam. Dies est, umbrae figurarum cessant, nox reparatur, per aurem dæmon ingressum habuit ad Evam, per aurem Christus ingressus ad S. Virginem, id est, pœcunib[us] verbis Gabrielis. Bern. in Pentec. serm. 2. Missus est Gabriel à DEO, ut veròum Patris per aurem Virginis in mentem & ventrem illius eruclaret. Hic jam nostra fortuna superat Angelicam, nos possumus dicere DEUM Fratrem nostrum, quod illi non possunt; nos, quia

E

DEI

DEI Filius est Frater noster, possumus dicere DEUM Patrem nostrum, quod illi non possunt. Jobius Monachus 3. de Incarnat. c. 15. apud Photinum. *Absurde faciunt qui maledicunt Angelis quam homines esse; nam et si sint illi doloris, morborum, & mortis expertes, cognatum DEUM fratremque non habent.* Habemus nos dolores & mortem, sed DEUS noster in his socius. Et propter hanc Incarnationem ita nobis videndum, ne id de nobis dici possit, quod ne Angelo conveniret. Tanta est sublimitas nostra. Advertit hoc Chrysost. hom. 3. in 1. Ephes. *Revereamus caput nostrum, reputemusque quam adorandi capitum corpus sumus.* Quid fieret si caput sanctum celo dignissimum, manus inferno, &c. Hoc nos in tribulationibus animet. Chrysost. l.c. *Es Christi Corpus, Crucem tolle, nam & ipse hanc tulit: fer spuma, fer colaphoi, fer clavos, fecit id corpus ab omni labore atque alienum.* Christus carne sumpta in tantum nos dilexit, ut quasi nos in Spontem sibi rapuerit. Greg. 30. Moral. c. 16. *Labani filiam Jacob abstulit, quia ei per Prophetam Ps. 44. dicit. Obliviscere populum tuum & dominum Patrii tui.* In tantum dilexit, ut propter nos quodammodo sit factus serpens, ut illum serpentem qui nos per Evans perdidit destrueret. Ambr. 3. off. 14. *Projectus Moyles virgam & serpens factus est, qui devoravit serpentes Aegypti, significans quod verbum caro fieret, qua serpens diu venena vacuari per remissionem & indulgentiam peccatorum.* Virga est enim verbum directum regale plenum potestatis, insigne imperii. Virga serpens factus est, quoniam qui erat Filius DEI ex DEO Patre natus, filius hominis factus est natus ex virginie, qui quasi serpens exaltatus in Cruce medicinam vulneribus humanis infudit. Hoc mysterium videns in spiritu Jacob, adoravit. Gen. 47. *Adoravit Israël Dominum conversus ad lectuli caput.* Hebr. 11. Legit S. Paulus cum LXX. *Adoravit fastigium virginis ejus.* In quem locum Pauli Chrysost. Jacob adoravit Christum in suo typico, & adorandum significavit a Fragmentis

tribus & nationibus. Occasio adorationis fuit, cum moreretur Jacob visitavit eum Joseph Filius ejus & juravit se ejus corpus non relictum in Ægypto, sed in terram Chanaan translatum, quo jûrante adoravit Jacob summitem virgæ Josephi, quam ut Prorex in manu gerebat, id est sceptrum, in summitate virgæ flos erat, sciverat Jacob egressurum de radice Jessè virginem hunc florem adoravit. &c.

In Cœna Domini.

Iudic. 14. Samson cum Leone decertavit, & raptum ex illius ore favum attulit Matri, ita Christus cum morte pugnans, tanquam favum dedit Eucharistiam Ecclesiae sed hæc nocet malis, sicut arca in templum Dagon introducta. Et sic decipiuntur aliqui, qui male communicant, interea blandiuntur sibi, ut ille Dives Luc. 16. *Anima mea habes multa.* Opus est fide Moyses non permisus rubum ardente accedere nisi solutis calceamentis, quæ erant ex pelle animalis, quod amplius non cognoscit, quam quod sensu percepit, sed neque intellectus mysteria capit. *DÉUS habitat lucem inaccessibilem,* seu *In sole posuit tabernaculum suum.* Qui solem vult fixè intueri excæcatur. Ea quæ videmus, non percipimus; quid Divina? Dic quomodo magnes attrahit ferrum, acus magnete illata vertitur ad septentrionem, fulmen solvit gladium illæsa vaginâ, Remora naves fistit, anima nostra spiritualis corpori unitur, & tota est in una parte, tota in toto? non intelligere sed credere DEUS nobis mandavit sua mysteria. Ps. 70. *Quia non cognovi literatum introibo in potentias Domini* Genebrard. *Quia non satis intollo mysteria DÉI magnitudinem afferentia, veniam ad potentias DÉI recolendas, sicque potentia DÉI est superior nostro captu.* Accedendum cum charitate, nam peccata gustum tollunt, sicut abstule-

E 2

runt